



PARLAMENTO NACIONAL

República Democrática de Timor-Leste

Gabinete do Presidente

Edifício Parlamento Nacional

Telf: (+670) 333 9851 / 7333 3555

Hau nia bom dia no saudasoens ba ita hotu,
Em particular ba :

Senhores Presidente cessante, Presidente Eleitu no konsileiru sira
KKFP,

Lia fuan badak,

Ohin PN halo seriomonia ida ne'e, apesar de simples, maibe diferente ho serimonia baibain sira anterior halo ba KKFP, nudar jestu ida hodi hatudu inportansia orgaun konsulta ida ne'e nia ezistencia no nia papel, ne'ebé trata asuntu importantíssimo ida, Rekursus Petroliferu, iha momentu hanesan dadaun, ne'ebe mosu preokupasaun generalizada konaba estabilidade no sustentabilidade ekonomika ba ita nia paiz. Tanba impaktu ekonomiku husi pandemia Covid -19 halo mina folin monu rabat.

Ita hotu sente orgulho ba ita nia Estadu, ne'ebe kria orgaun de konsulta ida ne'ebe hamrik iha legislador no ezeutivu sira nia sorin hodi fo hanoin konaba asuntu ida ne'ebe to'o agora sai fonte dinamizador ba Timor-Leste nia ekonomia.

Tanba rekursus petroliferu iha nia kompleksidade teknika, politika no ekonomika ba Timor-leste, no nia dimensaun iha relasoens internacionais, mak halo Estadu hari'i orgaun ida ne'e hodi fo hanoin no tetu likus konaba Fundu Petroleu ne'e. Inportansia orgaun ne'e hatudu dalan ho nia kompozisaun ne'ebe fo espasu ba eix-titulares orgauns soberania, inklui figuras ho reconhecida competência hosi

sociedade sivil no konfisoens relijioza, hodi hola parte iha orgaun konsultivu ne'e.

Petroleo iha mundu, sai fator determinante ida ba vida politika no ekonomia paiz nian, no relasaun entre paizes.

Paizes lobun ida iha mundu potencialmente hetan ka iha rekursus petróleo ne'ebe vastu ka bot, maibe uitoan mak uza lolos no didiak ba povu tomak nia moris diak, no kondisiona paiz nia estabilidade no sustentabilidade ekonomika.

Situasaun ida ne'e mak, halo ita foti konkluzo katak mina/petróleo bele sai bensaun, no bele sai maldisaun ba paiz ida. Depende ba ukun nain sira nia kompetensia politika, integridade moral, no perpetiva strategika..

Timor-Leste tama ona iha kompleksidade ida ne'e, no ita lakohi sofre kedas maldisaun ne'ebe rai seluk sofre tiha ona, no oras ne'e sei sofre hela.

Timor-Leste ho potencialidade natural ne'ebe nia iha, laiha razaun atu depende ba mina, no halo rekursu minarai ne'e sai fonte ekonomika unika ba paiz.

Tanba ne'e maka, ita tenki mobiliza potencialidade humana tomak hodi gere no kontrola utilizaun rekursus naturais ne'ebe ezisti, ho sustentavel.

Ciente no preocupa hori uluk kedas ho situasaun hirak ne'e, mak Lei no. 9/2005, konaba Fundo Petrolifero ne'ebe elabora husi Primeiro Governo Constitucional, preve kedas espasu ba estabelesimentu Concelho Consultivo ida ne'e.

Ho ezistensia orgaun ne'e, nia kompozisaun, no nia kompetensia ne'ebe lei fo, hodi tulun Parlamento Nacional no Governo atu halo desizaun politika no halo legislasaun.

Infelizmente, situasaun no preokupasaun lobuk ida, halo ita nia eix-titular sira, laiha tempu naton ba halo parte ativu iha Conselho Consultivo nia knar.

Ita hein katak ba oin, eix-titular sira bele halo parte ativu iha orgaun ida ne'e nia aktividade, hodi eleva pezu no fo prestijiu bot liu ba propriu orgaun no nia parecer sira ne'ebe orgaun ne'e produz.

A titulo informação, atu fo hatene katak, hau haruka ona karta notifikasaun ba confisoens religiosa sira, liu husi Archebispo, atu nomeia hikas membro foun hodi substitui Pe Julio Crispin, maibe ho preferensia designasaun ida husi Igreja Catolica. Maibe to'o ohin dadaun ne'e, seidauk hetan informasaun. Eventualmente atu hetan posse iha duni serimonia ohin nian, karik hetan indigitasaun.

PN fo nia apresu, no agradese wain ba konsileiru sira, iha mandatu ida ne'e, nia servisu no apresiasaun kritika ne'ebe hatudu ona iha relatório ne'ebe ohin duni halo lansamentu.

Agradese mos Sr. Pe Julio Crispin ne'ebe hakotu ona nia mandatu nudar konsileiru no Presidente Concelho, ba nia dedikasaun no kontributu tomak.

Hanesan ohin hau hatete ona, depende ba ukun nain sira nia kompetensia politika no vizaun estrategika, se ita lakohi minarai sai maldisaun ba ita nia paiz.

Tanba ne'e, nudar sidadaun, deputadu no Presidente Parlamento, hau eziji, atu distintu deptadu sira, membro Governo sira, ukun nain sira hotu, fo tempu ba halo leitura, no considera netik apresiasaun sira ne'ebe konsileiru sira hato'o ona.

Aproveita mos oportunidade ida ne'e, hau hakarak encoraja konsileiru sira, iha mandatu tuir mai, kontinua halo abordagem kritika no klean konaba Fundo Petrolifero ba Timor-Leste.
Sura ho hau nia apoiu!!!

Mak ne'e deit. Dezeja Susesu ba KKFP.

PN, 19 junho 2020